

ՃԱՆԱՉՈՒԻՄ ԷՔ ԱՐԴԵՇՈՔ.



Ճանաչում էք արդեօք այն աշխարհն ահաւոր,
Ուր, ասիւմ են, մարդիկ բորենի ծնեցին.
Ճանաչում էք արդեօք այն կղզին մենաւոր,
Ուր ինչոյք են անում մինչ հիմա զայլ ու ցին...

Մեռելներն այն երկրում չեն թաղում հողի տակ.
Ազռաւններն են նրանց օրհներգում միշտ անհոգ. --
Քաղաքներն անշղունջ, աւաններն անընակ,
Քարացած այդ աշխարհն ճանաչում էք արդեօք...

Չէք զտնի դուք այնտեղ մարդկային ոչ մի շունչ.
Նրա շափ ոճիրներ չի տեսել դեռ ոչ ոք:
Դիակներ են փոռւած ամենուր մահաշունչ,
Սովալլուկ կատուններն են ծչում անամոք:

Եւ երկիրն այդ թշուառ, աշխարհն այդ ահաւոր,
Շատ անզամ է տեսել թէ արիւն, յէ աւեր,
Շատ անզամ է անվախ ոէմ որել դարաւոր,
Սանձարձակ հողմերի արշաւին մահաքեր:

Եւ նոյն իսկ օրհասի տագնապի ժամանակ
Յուսացել է նա միշտ, որ կըզայ մի սուրբ օք,
Երբ պիտի շքանան իսենթ հողմերն համարձակ,
Երբ պիտի վերանան տանջանքներն ահաւոր:

Յուսացել է նա միշտ, թէ խուժանն այն վայրի,
Որ իր կեանքն է լափել ողջ դարեր շարունակ,
Վերջապէս մի սուրբ օք պիտ զլուխ խոնարհի
Իր մատաղ, հանձարեղ սերնդի ոոքի տակ:

Միշտ ըմբոստ եւ անահ, միշտ հպարտ եւ յաղթող,
Թէեւ միշտ միայնակ, անպաշտպան եւ անօգ,
Յաւիտեան հողմերի արշաւին ոէմ ոնող
Դիւթական այդ աշխարհն ճանաչում էք արդեօք...
Դանիել Գրիգորեան.